

稼

門

詩

鈔

稼門詩鈔卷六

七律

皖江汪志伊著

乾隆戊子到京肄業國子監

豈謀溫飽到京城滿眼風光無限情
亮采幾人稱碩輔菲才惟我愧書生
欲求事業堪千古須識根源在一誠
養性辟雍心正靜欣聞朝暮鼓鐘聲

次西賓周懷西贈章原韻

射策無能志未休嬌嬰學語轉詩吟
薪傳綿麓山常峙教衍河汾水自流
但願少年稱繡虎何愁老朽作犁牛
荆州一識淵源

遠不羨生封萬戶侯

也自牽絲着繡袍偏來驛路任塵勞
利人果得周千室克己寧惟我一毛
疾痛要如當體受撫摩莫作隔靴搔
憑君共把中流柁助我迴瀾上水舸

莅任鎮江

曉日初升潮水平亂檣如戟大江橫
中流一柱金山寺古木千秋鐵甕城
北接廣陵烟月地東連茂苑管絃聲
先憂後樂誰能繼惆悵希文不再生

宋寶元中范文正公知潤州

蘇郡木蘭堂偶成

堂北木蘭自古今豈惟白傅感懷深
韋詩閒澹真仙骨況政嚴
明總佛心俱職常思追美意無才豈敢續
高吟千秋遺愛甘棠
在慙對花枝送綠陰

分題咏梅九首用高青邱梅花詩韻

梅信

一番花信到春臺誰遣陽和啓籥裁
天地心從枝上見冰霜氣
逼夢中來鶴知消息驚幽夢月助精神
護綠苔幾度衝寒山有
意不須羯鼓自先開

山吐梅

環珮珊珊世外仙孤山庾嶺証來緣自撐氣骨難諧俗迥絕塵
埃淡抹烟嚼蕊人歸青嶂裏搜香客過古崖前白衣宰相何時
出雪在層巒月在天

水邊梅

尋春人到灞橋頭雪後餘寒尙未收一片斜陽臨古渡幾聲殘
笛繞孤舟風流不在傾城笑冷淡何曾對月愁江閣寂寥清夢
遠香魂應與白雲遊

園中梅

月上牆頭恰半痕劇憐冷豔帶春溫全收逸致歸高閣時送餘

香過別村只爲乾坤留正氣可知冰雪是真魂其誰秉
句漏盡蟾壺未掩門

竹間梅

鐵石爲腸玉作宮平安日日報相通凌霜勁節形俱瘦應物虛
心色亦空倩女魂銷寒翠外此君神寄暗香中烟開半面孤標
見賸引清風掃雪叢

松下梅

神仙標格絕埃塵笑引蒼松是故人肯值歲寒忘舊約不隨俗
豔鬪新春瓊枝仰拂龍鱗老黛色低迷鶴夢頻知己匪關泉石

癖縱教周昉寫難真

盆梅

瑪瑙盆宜玉樹依蒼然猶帶澗邊輝苔鋪仄徑枝逾古石作孤
山勢欲飛簾動幾回驚夢早歌殘定不怨知稀此心元與凡心
別有客前村踏雪歸

瓶梅

南枝高掇占青陽小插銅瓶寄水鄉不讓隴頭分去豔宛從驛
背摘來香白憐一種春先到回顧羣花圃尙荒雪椀冰壺
映幾番錯認是林霜

梅實

氣到恢台何處知江南梅雨濯高枝生來不是繁華種素抱惟
存結實思解渴乍逢調鼎日回津應念履霜時吟成花事全身
現勉續青邱九首詩

退思圖

誰爲箴規祇自思藐躬得失寸心知閒參叔簡呻吟語細繹香
山諷諭詩指視嚴於初覺夢彌縫愧在未能時木蘭堂畔花開
落顧影愁添兩鬢絲

漫說傳神卽有神儵然紙上一閒身但憑眼底含愁態來向胸

中會性真心不誠求慙退食行多缺憾懼臨民從今力以圖爲
鑒莫負惺惺畫裏人

上海道署雙栢

官齋不用繁花媚雙栢亭亭若相對何歲移從邱壑中此時猶
帶烟霞意勁枝直上欲參天強幹挺生如拔地曾歷歲寒不改
容飽酣春雨添新翠

得姪正宗廣文保薦信

除目我方超五馬講堂爾又兆三鱣

國恩稠疊誠難報家法清廉真暫捐迎養從知增日俸市衣慎

勿斂民錢棟梁謬荷先収去可及蘇湖教授賢

乙卯暮春陸廉訪招陪勒宜軒制府遊宴五泉卽事

皋蘭山麓五泉分湧出蛟龍活水紋

五泉源頭湧出活水紋輒成蛟龍狀政首教

耕蘇刺史功存歷戰霍將軍踏青共盼桃花雨登閣遙瞻玉葉雲此際風光無限好清樽話到夕陽曛

暮春登金城關樓

危關壁立鎖金城放眼高樓雨乍晴紫塞三春千嶺禿黃河萬里一橋橫可憐瘠土民勤苦幸荷

闕恩

主聖明責在旬宣何可謝遙天莫起故園情

題姚夫人遺像 并序

夫人於乾隆辛巳年歸予至壬寅予官靈石夫人抱病至越二十日謝世計二十年有奇其間予肄業黉敷書院三年客京師十一年需次晉陽又三年夫人支持家務不以艱窘爲言每欲以詩紀其事輒酸心中止嘉慶二年夏子媳輩在豫章臬署追摹其像索題得七律一首不忍長言咏歎而已不覺淚泫泫下矣

夫妻廿載竟空名遊宦年年事遠行子穉諒予難顧復家

汝苦支撐劇憐抱病來靈石那料調絃聽斷聲身後榮華都是
幻神魂應戀舊釵荆

訓曹刺史 并序

刺史諱勲祖與余同官山右旋引足疾歸嘉慶元年予
陳臬豫章三至其門不得見一日書來述其從弟欽自
武林見余東嶽西湖詩欣然願執弟子禮以見書中有
鐵面冰心何難化作春風時雨之語并以長歌見貽賦
此作答

東岳西湖供唱酬以詩伴簡興偏幽春風化雨承君教鐵面冰

和門言金 卷二 二
心動我愁曾憶綢繆三晉日徒勞悵望百花洲何時得起陶潛
脚同嘯滕王閣上頭

謁孔林

特來肅奠孔林卮拜畢難名仰止思一也聖心無不貫時哉萬
世孰能師敢同孟氏遙私淑何幸顏淵蚤見知古栢寒松青在
眼分行如覩習威儀

謁孟廟

巖巖氣象儼神來展拜階前曙色開治法遠追三古上微言力
挽百川回堪唾戰國齊梁主莫識鄒山禹稷才惟我

聖朝崇祀典萬年俎豆獨重恢

漳泉道中

山色枯焦石倔強重觀風景益彷徨
确田番蒔抽藤綠沃土難支解
萼香兩郡愚民猶械鬪三年厚祿愧封疆
帶牛佩犢風難易鄒魯當時豈異鄉

宋元時漳泉號海濱鄒魯

人日卽事

人日今年暖異常南天節物已迎陽
不枯芳草沿堦綠大放穠桃滿院香
福豆從新攢菽碗饑蚊依舊入眠牀
屏軀却喜春和盛頻仰輕裘未覺涼

送李墨莊舍人奉使冊封琉球國王兼簡正使趙介山

修撰

中山昨請

冊封賢早有飛章達

御前

嘉慶四年二月琉球國王世孫尙溫遣陪臣齋表請封到閩志伊於三月十二日具題

簪節敬持拋

白紵

謂趙介山修撰

皇華能賦得青蓮新知沙線三千里舊夢雲螺十

七年

乾隆甲辰歲公會夢遊海得雲養澹螺深之句丁未歲福公繼渡臺征剿林爽文奉頒班禪所進右旋白螺吹則

風帆順利因奉

命齋

麟蟒珊瑚尊一品球人應訝是天仙

閩今奏交使者以資靈護

庚申十月初九日入

聖蒙

召見七次恭紀

心欽

聖德大如天

丙辰元日 太上皇傳位詔云皇太子仁孝端

每施一令臣民感頌一如堯舜入覲

親政後每行一政

天顏愈穆然

溫訓肫肫聆七度微忱眷眷慰三年

嘉慶二年 月赴京請

擢臣閭藩七訓蒙

太上皇召見一次即

命赴新任未得

瞻仰 聖顏眷眷懷來至今三年矣

臣每日蒙

寵頒堂食恩頻沛

賜克食

好問民風詔屢宣

閩省械鬪洋盜爲害民生商賈疊荷

垂

遵職任海疆圖報切豈徒清節要心堅

庚申十月十有二日敬謁

高宗純皇帝裕陵恭紀

拜瞻

陵闕涕交流咫尺

皇靈在上頭參養

深恩曾未報

臣受 純皇帝深恩十數年間由縣令游陞巡撫

升遐哀思幾時休

殿前雪霽千峯秀塞上風清萬木稠慙愧微臣羈海嶠遲來又

閱兩春秋

嘉慶四年正月初三日諭各督撫未便同時趨謁

太上皇升遐奉

上

京奉

硃批俟秋間來屆期以書制軍奏留展

奉

諭暫緩五年八月奉

諭令臣進京

鼎湖悵望劔弓懸

垂世宏猷邁轡顛

風動新疆皆廣被

回部金川自入版圖以來均蒙恩休養教化

澤覃舊賦疊除蠲

各省蒙糧者三地丁錢糧者五恩普免漕

蓼蕭式燕聯千叟

乾隆五十年新正於宴嘉慶元年元旦

乾清宮舉行千叟授璽後諷吉初四日

於

寧壽宮前皇極殿再舉耆筵給

壽盈階尚呼拜舞為曠古未有盛事

捷武神功記十全

平定伊犁回部大小金川擴土開疆數萬餘里緬甸安南廓爾喀以及外藩屬國咸震威

修職貢其白作不靖者悉就殄除功逮十全有

御製記

悲惻深時還仰慕

嶠山佳氣鬱綿綿

庚申十月二十日

陞辭蒙

恩給假回籍修墓恭紀

孝治光昭頌

聖人烏私得向

日邊陳時繁父祖松楸念疊荷

朝廷雨露仁

賜額榮恩推

太上

嘉慶四年四月初八日

今上以恭上高宗純皇帝尊謚廟號恩詔內外臣工照新銜封贈志伊父祖

曾祖晉贈資政大夫

垂慈清問及先臣

志伊入

垂詢祖與父出處存歿

陞爵復允修塋墓存歿均銜

寵命新

慈菰驛度歲

今年除夕客途中蹤跡匆忙類轉蓬海嶠官民應念我江鄉兒

女可思翁仰承祖德知肩重欲報

君恩怕力窮寂寂慈菰誰與伴牀前蘭燭一枝紅

行年五十九書錢辛楣先生星命論後

聖賢立命元知命術者何須泥子平喜有名言刊小數慙無進

德報先生

予上年五十八歲術者言歲運並刑恐不利辛楣先生著星命論一篇力言子平之妄并以聖賢知命立

命及仁壽斯民諸語勸之朝

天一去春秋換返旆重來父老迎

庚申八月廿六日入辛酉正月十三日回任 觀仁

壽斯民非易事敢云追步宋耆英

六十生朝欽奉

臣等謹告養病恭紀

六十元非致仕年沉痾若迫使歸田慙承

予告

溫綸下正值生朝紀甲全永矢臣心清似水難酬

聖德大如天況思

封廕皆

恩澤此去何能便漠然

癸亥四月十六日入

觀卽日奉

命署理副都御史恭紀

病軀奉

詔息山村始得重來見

至尊自愧一年殊曠職誰知到日卽承

恩華顛叨副風霜任白簡期陳正直言顧影雖慚衰朽甚卻看
勁栢喜攀援

五月初七日復奉

命署理刑部左侍郎恭紀

計到京華月未周微臣疊荷

聖恩稠心方銜感乘驄馬職又叨榮列爽鳩弼教全憑丹筆議
論詩還建白雲樓嘉靖間李攀龍王世貞輩官西曹相聚論詩建白雲樓惟明克允才難
得千古臯陶孰與儔

五月初九日復奉

命馳驛赴江西獻案恭紀

雀角經年訟久延還教上瀆

至尊前心知

黼座矜民意口誦皇華遣使篇妄冀片言能折獄難期兩造並
稱賢西江舊習疲秦鏡一化

皇仁俗自遷

六月十二日在江西接部咨五月十七日奉

命補授江蘇巡撫恭紀

聖朝分職重封疆南顧三吳更審詳財賦勿傷民命脉人文須

勵古綱常仰邀

簡昇恩何渥矢報涓埃志自強愧鮮猷爲思取法近惟文正昔

文襄

謂周公忱
湯公斌也

莅任江蘇

聞說吳儂望我來吳儂知我不貪財

乾隆間予歷任鎮江蘇州
郡守蘇松糧道江蘇按察

但能潔己民何補最要知人政始恢去莠存苗清吏治化鵠
爲鳳裕賢才此中心迹憑誰識茂苑牆邊一老梅

奉和錢竹汀宮詹見贈之作

士林碩果竹汀翁孰不涵濡盛德中漸染芝蘭藉古力詠歌苒

苒總司風二疏百世賢誰繼四院千秋教尙隆

宋初有白鹿洞及嵩陽嶽麓應

天府四書院育才稱盛先生主講紫陽化及四方匪特及門沐教也

十數年來時就正

予自乾隆間守吳郡

所成詩文必就正先生及選他省仍寄筒問之

豈徒一字頌師功

監臨江南甲子鄉試

并序

予籍隸桐城於乾隆辛卯科倖售北闈生平以未得一

入南闈爲憾今嘉慶甲子科江南鄉試例輪蘇省巡撫
監臨志伊先於夏初奏請改派安省巡撫欽奉

諭旨祇須心存公正何必以迹涉嫌疑爲此例外之請
志伊恪遵將事士子入場者計一萬三千有奇濟濟多
士蔚爲國楨賦詩二章以紀其事

公正先期奉

詔章銘心敢負至公堂大江上下人文聚矮屋東西翰墨香積
玉由來推陸氏探驪畢竟讓劉郎羣賢惟有誠相感弊竇潛除
不待防

欲問龕座萬三千於我無緣若有緣得獻賢書逢甲歲曾攀丹
桂憶辛年名題京兆殊慙爾職任由丞倍凜然應念江南多士
苦三條燭盡月當天

題康茂園方伯南遊夢紀卷後

并序

康方伯名基田字茂園山西興縣人於乾隆癸酉鄉薦
後嘗作南遊夢數十年升沉顯晦了不記憶惟記舟至
太倉州城下聽岸上人語此太倉西門也欣然登岸進
西門流覽逾時出北門而去丁丑成進士卽用來江似
太倉或有緣矣凡水陸所經一如夢中所遇補新陽尹

東去太倉西門三十里調昭文出太倉北門七十里始以夢兆已驗於此矣或且以升太倉爲言而太倉之升杳然嗣任嶺南轉中州調淮徐游歷藩臬予時爲蘇州郡守甚相待也公由吳門而歷下晉撫三吳復督東河調河南年已六十有七矣因邵工大壩被焚降太倉州牧至西門入城如舊遊旋調署松守州人遮道送別公避之由北門登舟然後知夢徵乃如此也奇哉今公任方伯予來白下監臨文闈公出紀夢詩卷見示予賦七律一章敬書於後

河上頻移節西北門中忽領州那料青年曾入夢竟於白

來游功名黜陟元無定氣節精堅總自由天地清寧同一

日儕身豈似浮漚

公詩有崑崙水浸長江月
天與清寧化日長之句

舊用鎮紙

楮國由來誰作鎮範圍特此小連城製成方正資心織妙在空
靈任筆耕運腕愧吾多鈍拙知勞惟爾最分明兒孫世守無輕
棄愛護還如故舊情

丙寅八月二十七日欽奉

恩旨補授工部尙書恭紀

勞勞二十九年中撫字關心六省同

予自乾隆戊戌筮仕至嘉慶丙寅由縣而州而府道

藩臬以至巡撫歷任山西江蘇甘肅浙江江西福建凡六省而江蘇則再莅云

奉職正慙古節度承

恩又拜大司空感深報

國憑何事道重推賢是本衷趨

闕需遲非戀棧落磬待哺有哀鴻

淮揚徐海民連年被災急需籌辦賑務予奏請俟新任家

遲雲中丞到蘇交代赴部供職

莅任湖廣

重擔肩來楚倍吳

嘉慶十年十二月初四日到湖廣總督任

吳儂易化楚寧殊采凡

爭說人多詐推本還憐性是愚鬼蜮何須嚴法創厥愈惟仗至

誠孚果然直道追三代皞皞斯民豈負吾

題苗疆傳舍

鳥道人行咫尺天下停蝸舍傍山肩整排石子爲廬壁亂洒松
針作地氈遠勝伏波穿洞日欣逢

文德格苗年風清月白怡吾性登榻微吟便熟眠

岳陽樓校閱水師懷范文正公

取重斯樓范記工遠求經畧向邠豐

巴陵縣志有滕宗諒與范經畧求記書

後先

憂樂關天下十萬甲兵貯腹中自愧無才宏保障猶循故事簡
艤艫洞庭湖上揚新令莫被君山笑未公

五女正朱隨李壻秉廷赴蔭原親家蘇松糧道任所

虞山臨海儼蓬壺喜汝真同合浦珠緣結再生依父母乾隆辛亥年五

女正朱生地欣重到拜翁姑嘉慶庚午年蔭原親家左遷蘇松糧道女師自昔相

規切家範於今得用無四德贊成夫子德寧虛鶴頂戴珊瑚照

補服頂戴製與秉廷行古禮

客必稱嬌情轉薄子雖曰半愛彌勞老成自幼推程顥修謹曾

聞取富皐鄭公原名冀擴心胸希聖道秉廷莫雁後卽令補讀孝經小學敢豐

以民膏自慙忝列尚書位空使人瞻泰嶽高

重度分水關

我制福州子信州山關勢限水分流

正修通判江西廣信郡郡屬鉛山縣與福建崇安縣

接壤分水關乃

歸江愈渥江臯澤入海瀾添海屋籌念切朝宗

雖似箭情深潤下碧於油水聲山色如知己依舊清高作應求

聞正修卓薦作

半刺何功膺上考

先人積善有餘慶蕭蕭白髮予垂老靄靄青雲爾正強杯水必
清如趙軌佩刀方許贈王祥者番喜報三山上春到梅花第一

香

次堂弟志召寄詩預祝予七十壽原韻

棠華一十六枝明今日惟存兩弟兄

予同祖兄弟十六人現有者只志召與予耳感何

如落落鬚眉增老態迢迢江海引離情

予自嘉慶八年病痊進京已閱十年今皖江閩

海將及可憐瘦鶴孤身立輒聽饑鶯滿耳鳴

予親支及遠族家本貧寒加以頻年

水早家書迭至或自鄒黨來者傳說待我舉火者尤多

歲暮衙齋凭几臥鄉園入夢夢難

成

新詩遠寄祝春秋想見情多繞筆頭心感

國恩予豈負身承家政爾當修偶分官俸難爲繼

予分廉俸以資接濟已

三十餘年每年或二三百金或八九百
金木年旱荒更甚竟至一千八百餘金
何若莊田恐可周子清
持累積養廉銀兩曾經寓書屬志召
池置義田收租贍族以爲經久之計
高義園中遺澤在高義園者范文
正公義規條設立好參籌
莊也

壬申元旦五福堂訓兒孫

五福堂中五學生豈惟涉獵戈科名性天勿爲詞章蔽心地須
從道德明理徹源流真活潑文成氣象自崢嶸華身原可兼華
國盡法周朱舊課程

行年七十述懷

倏忽行年七十春追思少小是何身清臞僅見存剛骨疾病偏

多累

老親

予三四歲時或昏暈仆地或癰瘕不能行立

百致

恩勤防不壽千端

訓迪望成人

先大夫恬庵公姊十人而晚年始得予尤以不壽為憂教養二十

一年遂見背予終身以

不毀無忝為兢兢云

自維祿養嗟無及慙對慈烏孝且仁

七品員躋一品員

兩朝際遇有奇緣初陳臬事知非歲得告沈疴周甲年

乾隆壬子正月

十四為予五十生辰是日欽奉

恩旨補授江蘇臬司嘉慶

壬戌正月十四為予六十生辰是日在福建巡撫任內奉到

恩旨予告回籍養病年餘方痊所可

異者接奉

恩旨均值生辰耳

雨露恩施時愈久詩

駢力報老彌堅重臨海嶠民無異敬事還如在冷泉

冷泉石

子初實授邑也首約束家丁胥役次革兩驛當差里馬自添背
包頭紫浮收馬草計每年除去民費者四萬餘金甘省石峯
堡同民作亂予親身擗擋兵差例外無耗費通省惟靈石鄉民
右不知有兵差過境之事製木皂代催錢糧補倉穀清獄訟修
學宮定生童課程
風俗除盜賊

仁壽斯民難遂志節麾到處輒先憂芟夷強梗根期絕予撫閩及督閩

浙嚴飭水師陸路文武捕獲盜匪二千餘名其畏懼投首者亦
多又總督兩湖素知盜賊充斥爲商旅大害甫下車遴能吏給

以捕費先後獲大盜一百數十人請

安集飢鴻費屢籌刺

王命斬梟三十二犯餘發遣江湖肅清

霍州因公到大同全郡旱荒已久守令諱之人心惶惶時勒宜

軒相國開府晉陽予由急遞稟明卽奉檄委予周查稟覆并函

囑便宜從事旋據實奏辦之予撫江蘇因洪湖義興水溢淮揚

海三州郡被災凡三年予每年據實入告蒙恩蠲賑兼施

親行查辦共費四百萬餘金全活者無算其在他省所辦均不

似此重大也維時手纂荒政輯要十卷刊頒各屬遵行嗣各省

翻刻疏築隄河興美利湖北荊州漢陽安陸三府屬民田沉水

頗多底者多且久而荊州且延蕩二十年未

辦下車後將目擊情形奏奉恩旨允令建牘濬河疏消積

水而隄則加高培厚費三十餘萬金不特舊田涸出而湖河港

汊間新淤成田清釐賦稅革浮收江省蘇松常鎮太湖浙省杭嘉

者不計其數湖八府州屬漕糧甲於天下

予在蘇糧道及浙藩任內力除關心最是蒼生

浮收勒折積弊人謂之清漕生命冤獄平反不

敢留子刺霍州有代州孟木成扎死張光裕擬絞入實一案案

証孟鵬程以受刑証証呈辨委予覆審查核各卷情節步

離且傷痕甚重而兇刀甚小更屬可疑詳准開檢張光裕屍骨

原驗領額受傷骨斷處並無刀扎之痕實係從高崖失足自跌

身死遂疎孟木成刑具原審及歷次委審官爭執奏奉

欽差姜司寇晟會同勒中丞復檢訊辦具奏張光裕倒地後被

人用重物在骨稜上用力擊打震裂齊斷原審搜出兇器

自屬錯誤孟木成承認刀扎自係誣供請將孟木成仍行

嚴緝正克以昭慎重奉

批何不釋放欽此

本固苞桑惟撫字知依稼穡最艱難欲酬大旱雲霓望遍瘞荒

郊暴露棺

南方富者惑於風水厝棺不葬迨家落而子孫亦飄零不顧其貧者無力營葬或一室停數世之喪又其

甚者以木桶瓦罐篋簍貯之并有客死無人過而問者以致日久暴露荒郊游魂無歸往往助早魃爲虐予昔撫閩及今督閩浙爲籌葬費飭委各州郡賢員協同地方官逐處查明將無主及有主無力者妥爲安葬官山因舊標記爲勒小碑其有主有力者張諭曉勸依限連葬

況是宦骸嗟溘落更多官眷泣饑寒

予昔撫閩訪知廢員及各官因病身故或緣事伏法者五十七起有柩七十三具眷屬三百九十五口因山川修阻流落三五年或七八年十餘年不等幾同無告窮民甚至婦女托身於非地予設法資送回籍頓清愁歎之聲

誠求普濟天

和召人壽年豐國永安

爲衛黎民養甲兵兵無節制豈云精先行束伍成軍勢並使知

方振義聲

嘉慶十一年冬予奉

命總督兩湖整飭營務選

取樸實膽壯者為兵而教以親上死長之義合十人為一伍每五伍為一隊每四隊為一哨并選外委千把總為之長管束訓練則軍士精通庶遇敵可收齊心奮勇之效而責成將官尤嚴次年春刊章程十五條發各營遵行至閩浙亦然

悍卒挾嫌將共叛賢員乘間即

時平不輕激起非常變億萬生靈幸得生

湖北提標左營駐南漳縣十二年奉部文

減馬兵二十三名應俟馬兵缺出隨時收挑步兵該遊擊雅金泰不識漢字輒將年力強壯及曾在軍營出力拔補之馬兵王連等二十一名降改步兵以致懷恨謀叛約定三月二十八日夜在城內外放火乘機殺雅金泰先搶軍火器械并劫縣庫如知縣不從亦即殺害即可裹帶多人入縣適因二十六日子到襄陽聞兵畏懼未及起事縣令陶紹佩以風聞面稟子熟籌未便遽行查拏激成大變復思該兵丁圖謀不軌特借推遊擊名耳隨帶雅遊擊赴各營查點軍裝俾兵丁起事無名以經一面密諭陶令等同縣乘閒查明首夥姓名出其不意嚴搜四月初八日接稟果擒獲二十五名止逃去二人予回

請提犯審明恭請 王命將首犯徐榮等三名先行
決餘俟部覆行刑否則億萬生靈必遭其荼毒矣

考作人欽

帝德殷勤課士是臣心

子宰靈石每月望聚生童於明倫堂訓課之次年鄉試中式四名及為甘肅暇

輒至蘭山書院抽背四書五經并著舉業聖門所學從何事儒

者誰知著實尋

子嘗著學字說以訓士舉五事五倫以實之知在此行在此言亦在此舍此更無所謂學也并

於篇末揭之曰趙忠獻言佐治天下祇須誠偽欲分惟慎獨危

微可畏若臨深

子嘗書蘇州林生衍源存稿後暢言慎獨之書機在危微之介俾紫陽書院諸生共知之

生須破迂疎見道克推行即國琛

愛才時覺得才難以實為心勸屬官

子嘗著實字說勸屬官不下千百言蓋人有何才實

心即真才也 久試廉能方特舉一知貪酷即嚴彈舉彈者難以彈述並非妄示恩威也

蓋為民為國 激揚欲造民生福彰瘡惟求國計安莫把蟠桃來

獻壽年前十一月即飛檄領禁閩浙文武官勿來祝壽并不許遣丁遞賀稟致耗盤費 梅花松竹喜交

歡聽事前小石山上下原有松竹梅三友掩映爭妍予復益植三友於其間益覺生趣盎然我壽三友乎三友壽我乎喜何

也如

松竹梅花三友外最親二友主人翁詳見予所著可靠說中二友者情也理也主人翁者

命也予外有三友內有三友而又有主人翁可靠故不自知其老愈老愈健其在斯乎 心宗至理精

事準恒情意氣充可否是非裁自已窮通利鈍付天公以

壽真難老可靠都存立命中

七十生辰奉到年例

恩賜福字并鹿肉野雞恭紀

壽日承

恩記兩朝

予五十生辰奉六十生辰奉

旨陞授臬司時在乾隆壬子
旨予告養時在嘉慶壬戌今

臣七十又生朝

賜腥鴻惠來雙闕

錫福龍章下九霄垂老光陰彌自惜難逢吉事竟頻邀延洪愿
與羣黎共推廣

皇仁率百僚

投簪雅度傳孫冕解組高風羨薛萃

孫薛皆年屆七十致仕者

仕至衰年原

許致身擔重任豈能行十閩險要歸圖治兩浙繁難待勵精仰體

聖明南顧切敢貪泉石養吾生

褚集齋因子七旬生辰見贈七律十二首詩以酬之

壽我誰真知我素能真知我是先生衡來性直無人已鑑到情

空在利名

集齋詩中有名且無求寧問利已方欲克肯欺人二語尤爲切中子心

舊事媿難傳政

譜新詩妙得寫心聲

集齋與子相處已五載有餘故能心子之心言人之所不能言者七律十二首極

切而有味

吾家世寶爭欽仰東岱山高北斗明

輓王春敷尙書七律二首

兩朝元老最謙光 一旦長辭奉

詔章

公于嘉慶丙子五月二十四日巳時口授嗣子蓮府遺摺恭進旋奉諭旨原品休致禮部尙書王某持躬端謹

茲聞溘逝殊堪軫惜供職清勤詹事府持躬端謹

尙書房

公以乾隆丙戌進士由編修洊陞少詹事前後在尙書房行走有年

選賢洊擢爲宗伯

公于嘉慶七年銷假由通政司副使陞至禮部尙書恩眷尤渥

賜奠從優命郡王

公現蒙賜奠茶酒仍照尙書例賜卹

軫惜已深加卹典冥靈應感

聖恩長

同里朱陳久締姻上年朝覲荷

溫綸

嘉慶乙亥春志伊入覲三月十八日起在南苑
四次二十一日蒙諭明日回鑾園明園不召見給假

往看爾戚王

形神充裕徵多福詩禮人家作世臣

二十三日赴西苑覆奏王

某精神甚好蒙

諭賜壽王某旋詣宮門叩謝時見其形神
充裕可為福徵王其父子好學是詩禮人家王其休致日即擢

其子為禮

自愧生芻廬莫致回思折柳語猶新

二十四日
陞辭就道公來

送行相值西苑河干柳下停車話別良久
不料此次分手之日竟為永訣之場悲夫

於戲全受全歸去當

代如公有幾人

前肅書懇家璣菴宗伯教誨子正鑒正榮并副一截句於

末茲復申其意得七律四首

英才溯昔宋朱程父不求師豈易成通守獨知周茂叔二程子之父名

响為南安通守時與周濂溪游因命二子從學焉韋齋惟託李延平朱子父名松茂子從李名侗者學

洛閩一脉傳彌盛孔孟千秋道始明前望遙遙還顧後我寧再

誤子鑒榮

鑒也矜奇赤石子鑒十餘歲著赤石子見者奇之予始知乃禁止榮兮好勇寶琬弓挽榮

弓帆昔曾戒越歧途外今更催歸正道中樸實毋忘前日訓予

性樸實教明誠尙有好家風謂同宗璵菴先生也存心養性須如此物物

方能徹始終

立誠編表斐然章三省人文益奮揚璵菴先生為安徽江西浙江三省學政有試牘十二

刻俱顏曰立誠編蓋先生進德修業一以誠貫
之至誠無不動故所至人皆悅服而奮興焉
化雨先施國子

監先生為大司
成育才稱盛
春風又到

尙書房

先生在
行走蓄德尤多

共欽雅範高千古何幸同官在一方

先生視學浙江于總制閩浙
或面談或郵簡甚相得也

二子如蒙許立雪山陽闕里步趨

長

慶元偽學禁何奇清議激成咎執誰

予常以此戒正蓋等勿著
道學之名惟務講學之實

而慎勿驅羊攻猛虎惟當抱露養靈芝學成漸布慈祥政誠立

先修拜獻辭道在淑身兼淑世淵源方不負賢師

稼門詩鈔卷七

五排

毓江汪志伊著

重修太學 文廟工竣

聖駕親詣釋奠恭紀

熙朝隆雅化

睿慮邁前王景仰文斯在欽崇道大光巍巍三代學肅肅五經
堂經始垂

先構鴻規煥舊章九堦環殿宇萬仞峙宮牆星日輝重屋虬螭
繞畫梁列楹昭奐美諏吉紀辰良式廓規模異維新義法彰制

嫌明室陋典較漢廷詳定號垂千載圖觀溢八荒差我豐碣具彪炳

御題張化合乾坤撰鋒生日月芒星雲同紉綴鸞鵲共翱翔默體

先師志爰

頒內府藏奇珍傳洛邑寶物出岐陽犧象尊彝古舟異縮浣谷懿型存俎豆重器匹珪璋法古情應摯從周意不忘重儒

宸念切推本

聖恩長虔祀占桑日

山上方陳籟通肝蠶鼓瑟間笙簧明燎騰槐逕熏鄉
精誠惟一氣昭格自無疆食侑東西廡春融上下庠威儀
拱揖聲振叶趨蹌仰止金絲盛周旋玉珮鏘百官咸濟濟多士
亦蹒跚日麗蒼龍轉雲浮彩鳳颺三雍佳氣藹兩序惠風揚
聖性符堯舜

奎章越宋唐

天顏瞻穆穆

帝誥聽洋洋幸際文明晝恭膺翰墨場

春遊棲霞

并序

乾隆戊子夏余隨季父蘭圃先生赴順天鄉試感江風
患瘧維舟燕子磯下季父獨往遊棲霞越日回具述其
勝竊以不獲同遊爲憾丁未來守京口次年春于役金
陵始獲遊覽率成六韻

探幽臨勝地慰我廿年思高節明僧紹鴻文江總持寒雲封舊
宅古蘚覆殘碑佛法青松護泉源白鹿知春催花信早僧訝客
來遲欲採長生藥靈崖有紫芝

方碧岑觀察遠貽雙鶴詩以酬之兼簡趙復堂觀察

兩觀察時

皆鐫綴

幽姿孰與儔振翩起瀛洲頂鍊丹砂迥翎鋪白雪浮清高聲自
應蕭洒氣相求不向雞羣立還偕鳳侶遊常存江海志詎作稻
粱謀安枕依茅固乘軒感衛侯分行來合浦逐隊上揚州月下
甘同夢風前莫共愁升沉雲際影消長水中漚萬里心雖壯千
年運幾周隨行從濶步失意肯低頭嘹唳長鳴切氤氳欲舞羞
頻驚寒露滴尙戀故巢不宛轉雷門鼓翩跹赤壁新溪邊當年
浴夜半識更籌摩日光難掩凌霄願未酬籠中須早出畫裏漫
遲留時碧岑尙署道印結伴無輕棄知音必見投重看君子化寧畏野
人操爲假搏扶力纔舒羽翼優銜珠思報德數箭解分憂馴養

無雙品丹成第一流
維君懷皎潔贈我意綢繆勢若鶯遷疾情
殊燕語柔聯翩吳市曉高斗洞庭秋磊落離塵網昂藏豁黜眸
明心元似水藻質總如璆愧乏瓊瑤報援琴托興幽

白牡丹

同稱富貴花清白自成家
魏紫無須鬪姚黃莫漫誇染衣香且
潔拂檻正而葩蝶豈思偷粉蜂毋認作衙於斯沽美玉任彼鍊
丹砂久與塵氛遠常承雨露賒湛恩當厚報生意在新芽一片
心如雪朝朝向日華

老樹吟

乾隆甲寅秋日

老樹氣蕭森蒼然托峻岑虬枝盤百尺勁節聳千尋性耐冰霜
苦恩承雨露深清高懸物望摧折豈天心麗日方明照涼風忽
暗侵能無柯葉改空許棟梁任消長關時數榮枯自古今羣誇
桃李豔誰護柏松陰樸茂材難用堅貞骨易沉夕陽疎遠岫虛
繞覓巢禽

老樹後吟

嘉慶己未春日

玉門關外冷一旦度春光元氣煦柯葉天心屬棟梁盤根堅作
石勁節飽經霜鸞鳳棲元穩虬蟬撼不妨清風凌絕域旭日
扶桑大化昭連理宏庥遍衆芳爲民謀廣廈求舊念甘棠雨露

新恩渥慈龍晚節香功能培荏染道在變陰陽影散春山綠陰
濃夏日涼須知木德盛匪樂歲寒彰老樹真天柱長吟興欲狂
冬日可愛

愛人人亦愛借鑑在三冬萬里裘難得黃棉襖乍逢窮簷皆霽
色寒士盡歡容照豈遺枯柳光偏戀古松微和殊夏烈久沐似
春濃成子如能作執鞭我願從

稼門詩鈔卷八

七排

皖江汪志伊著

嘉慶三年敬進荔枝樹恭紀

并序

荔枝稱果品第一自漢初南粵王尉佗以之備方物始
通中國蜀粵之產皆不及閩中閩中亦惟福興泉漳四
郡有之其品凡三十有二以產於興化者爲尤佳興化
又以陳家紫爲最備載蔡端明譜中顧其命名之由與
夫種植之法蔡譜未詳按扶南記木以荔枝爲名者以
其結實時枝弱而蒂牢不易摘取以刀斧剗取其枝故

以爲名我

朝康熙間每歲以小株結實者植盆中充貢遂爲常制
亦循唐虞橘柚錫貢之義也今之進者專取陳家紫當
雨水節遶大株中之正枝用竹刀於分枝處微剔其皮
以簪裹沃土包之截大竹筒爲外圍日以甘泉灌溉謂
之壓條迨十月小陽春托根已固始鋸以植於地謂之
分栽次年雨水前後揀其株之榮者移栽于桶桶各一
株以利轉運謂之盆栽維時大吏遣園丁攜直赴興寧
採購各以百本爲率買舟由海運省新舊積四百餘

謂之購樹置諸使院西偏牧荔園剪老枿剔繁葉不令
月復茁新枝多則仍量剔之謂之節宣性畏高燥復畏
霜霰雨少則沃以肥水凌寒則覆以草棚謂之養性又
次年花時盡摘之不使結實謂之蓄氣又次年穀雨後
始花小滿結實立秋實落與在地五六丈巨樹無異但
出福州水口境則花而不實故必屆小滿然後載舟北
上以秋前至灤河爲期謂之因地因時先時另換新棚
伐細青竹支架以扶柔枝迨解纜編竹絲爲網張其上
防蝙蝠鳥鵲之啄日正午或大風雨仍覆以蓬果將熟

或虞搖落每顆倚枝結櫟爲絡謂之護果舊例甲年督臣進乙年撫臣進進則必拔其尤寬其數於正額百二十株外多備百株此園如不敷取彼園益之謂之輪貢每次遣官二戈什哈四園丁二挽運以進惟由浦城至衢州由錢塘江登岸至運河及自張家灣至灤河舍舟而陸護持稍艱並移文沿途封疆大吏俾關津關口得以通行自念養廉豐厚其經費不以累民亦不派及屬吏惟期賜雨應時匪特色香味與土產無殊且結實完好計可得五六百枚迢迢數千里身處三山心馳

北闕惴惴焉時恐未能少展微忱也用志願末敬賦長
律一章

閩嶠荔枝超蜀粵

皇朝錫貢邁唐虞不教飛騎呈鮮顆但聽栽盆進小株豈事君
謨還著譜試從居易一爲圖分來嘉種工何巧種向芳園道未
迂隔歲預勞調樹性逢春不惜剪花鬚全憑老圃三年蓄好與
頭綱一例輪境過福州難結實節臨小滿始登途六千里外鳬
舟泛百二株頭鶴頂紆毳自深藏紅韎鞞避鴉綱網赤珊瑚枝
垂新果須櫻絡果壓桑枝偁竹扶顛顛應含仙掌露纍纍合綻

水晶珠侍陳

寢廟繁星燦備

賜班聯碎錦鋪摘落丹丸堆火齊擘開絳膜卸羅襦甘流玉醴
漿初咽豔映金盤色未渝試看丁香欣似子庭知龍眼直爲奴
含桃有是清香不包橘如斯厚味無

帝鑒艱難同稽事臣思頌禱愧已歛爭傳丹果能延壽願效嵩
山

萬歲呼

登武當天柱峯謁真武之神

有序

案山志太和山在均州南百二十里改號武當謂非元武不足以當此山也北宮七宿形成元武元武卽龜蛇亦猶南朱雀東青龍西白虎也然不謂之龜蛇而謂之元武者蓋龜蛇色赤而黑元也體具鱗甲武也道家言龍漢之年虛危之精降生爲淨樂國王子越海東遊翼軫之下擇是山衆峯之中冲高紫霄之天柱峯居之內修道成歸元坎位是爲元武之神披髮跣足黑衣皂纛仗劍履龜蛇周行六合威攝萬靈儒者或疑此爲道家附會之說則左氏傳曰寶沈參星也臺駘商星也又

如傳說入於箕尾曼倩還於歲星豈皆不經歟神道設教未必無補於世道人心似不必爲之深辯元武祠祀徧天下始於宋真宗時并因避真宗初諱改元爲真武顧祀典莫盛於是山者蓋荆南火方也武當度分在翼爲翼火也且孤峯磴起羣峭攢空象亦火也惟奉北宮元武之水精以鎮之乃有水火旣濟之功焉然則元武殆亦藉離南之火鍊坎北之水而後神耶歷代禱雨輒應山力歟神功歟其合同而化者歟是山古又曰仙室其七十二峯之最高者曰天柱次則曰紫霄曰三公曰

五老曰七星其坡則有太子其岩則有黑虎其澗則有
九渡其天門則有三其徑則有上下十八盤自第一天
門起至絕頂陡削豎立必須緣石磴挽鐵絙面壁而上
轉折處尤險至於紫金城在天柱峯頂元時置銅殿明
永樂以爲弗稱改建之背酉面卯高丈五尺橫丈二尺
直九尺內設真武像傍侍天兵四及龜蛇皆治銅爲質
沃以黃金一色焜煌迥出五嶽珠宮紺殿上矣予維名
山大川能出雲雨以澤萬物必有神焉主之况茲山爲
真武所寓乎嘉慶丁卯春因軍政至均州曾於城內淨

樂宮禮之頗以未及登山爲歉今戊辰又奉

命查閱營伍是天假之緣也九月初七日午後入山住
宿太子坡初八日住天柱峯下太和宮初九日凌晨上
絕頂展拜畢徘徊久之積雨經旬四面青山皆爲白雲
所封非身歷之境一無所見而所見之峯巒廟宇已難
殫述姑述其至要者以紀斯行得七言排律一首

太和山聚太和氣元武神來元武天常履龜蛇資將力能興雲
雨潤民田州城淨樂宮原巨客歲蘋蘩薦已虔現奉

溫綸重閱伍似於仙室有前緣三公遙指乘黃鶴五老相招駕

紫烟古栢交陰還夾道蒼松數抱已千年霜經紅葉酖顏醉香
放黃花晚節堅太子昔曾遊翼下腐儒今亦到坡邊通霄靜聽
猿纖雨平旦行看活潑泉黑虎岩間九渡響紫霄峯映七星圓
千尋磴古如脂滑十八盤紆作蟻旋再宿方能臻絕境重陽恰
好陟高巔仰觀一柱撐銀漢俯視羣峯襯碧蓮肅穆法宮開頂
上莊嚴妙相儼生前銅爲質地千鈞重金沃焜煌一色鮮展拜
崇墀增敬畏追思靈貺倍纏綿襟江帶漢朝宗久移坎居離濟
物全參贊化工惟大德煉修羽士豈真傳就中誰遣雲爲海片
刻難留我學仙回首天門通徑路縈心安宅好歸還

稼門詩鈔卷九

五截

皖江汪志伊著

霍山誌別

紅葉壯秋色青山送我行
人間離別酒不及此中情

題查育山小照二幅

垂釣

意致三秋柳生涯一釣竿
此中人澹遠莫作畫圖看

採芝

生來松栢性采藥白雲間
安得隨君去朝朝飽看山

夏夜納涼

風來聲在樹月上影穿花鈴閣清如許依稀處士家

咏壺魚示家人

誰奪濠梁趣金魚貯玉壺衆目洵堪悅亦知其苦無

知新詩

生物者天之教也格物者聖之教也格物理則知生物
心矣然欲知生物心必先自反身爲何物心爲何物從
此格起然後格到民胞物與皆如此物此理也則其日
日新矣致知莫大於五事五倫予已詳於學字說中矣

則觸物抒情隨時咏之統名曰知新詩

新月 言知新不過一知半解也

新月出波心光浮影半沉管窺原不廣蠡測豈能深

天聖 述無言教也

物生四時春天豈命諄諄無隱行相與尼山教以身

鄉黨 申上章身教之意也

德容千古在鄉黨具全圖今且如親炙當年好步趨

天人戰 明克己法也

孤軍逢大敵奮勇挫強鋒克己能如此天人戰豈容

旗脚 美四勿之明決也

勿象旗脚形一麾三軍退非禮立消除快哉心作帥

慈祥 言體天地好生之心卽仁也

四時春占先五性仁爲長惟聖念慈祥如天恩浩蕩

裁制 言以義制事各得其宜也

物則本民夔森然大義垂人倫與政事裁制務咸宜

敬和 言禮由人心節文天之理也

禮綱惟在敬禮用自然和不待安排力人心固有多

是非 言智出天性之真也

愛敬生來理知能用自良是非憑智燭一點性靈光

豚魚 言四端充實卽信也

不使四端虛還憑信貫諸中乎無不至始克及豚魚

螭螭 徵太始不母而生民也

太始民何母陰陽氣育成螭螭生木內可以證人生

師萬物 言凡事不可師心自用也

千古師聖人聖人師萬物俛仰宇宙間不患學無術

智仁 近取諸身以申上章師物意也

智周應學葵仁熟當如穀勁節大夫松虛懷君子竹

春秋 遠取諸物亦申前章師物意也

春秋視花木冠冕法獸禽蜘蛛規網罟鸞鳳象聲音

露雷 表人君之德也

雨露非姑息雷霆亦湛恩成全天子意大德配乾元

蟻蜂 伸人臣之義也

蟻衛烏衣主蜂環金翼王君臣關大義心腹勗元良

險危 明父母之憂也

一兒千里去二老寸心隨處處江山險時時寒暑危

烏羊 策人子之心也

跪乳敬何篤反哺孝不忘凡爲人子者可不及烏羊

瞽女 舉劉廷式以明貴不可易妻也

髫年已定婚登第女雙瞽伉儷敬如賓義堪風萬古

剔目 舉盧夫人以明婦不可有二心也

病革憂將逝憐妻年正青傷心盧氏泣剔目示死齡

戍邊 舉孫棘以明愛弟之誠也

念弟靡婚娶兄甘代戍邊一家真孝友太守表其賢

公車 舉黃士俊以明愛兄之誠也

途聞兄病篤卽日返公車終得魁天下蒼旻報不虛

天真 言朋友貴相交以誠也

責善敦交道虛心取友仁曲從還苟合安得見天真

五嶽 言位既崇德應宏也

五嶽視三公神靈沛澤宏三公師五嶽霖雨意當同

四瀆 言愛君如朝宗也

四瀆視諸侯爲能導衆流朝宗同一意侯可不宣猷

山川 言愛民如分甘也

山川視子男雲雨亦分甘如負蒼生望幽明應共慙

鬼瞰 刺欺心隱君德也

掠美隱君德沾名揚已休忍心欺至此鬼瞰到心頭

父母 勸視民如子也

官尊稱父母民小視兒孫推愛兒孫意誠施父母恩

魚目 憐老鰥也

絃斷已堪憐何堪值暮年淒涼愁不寐魚目鎮鰥然

黃鵠 憫寡婦也

鴛鴦多雙飛黃鵠乃獨宿夜半欲悲鳴守禮不敢哭

孤山 恤幼孤也

山孤骨易癯人孤苦無告葛帔而練裘觸目應嗟悼

鹿鹿 哀哉獨也

鹿鹿無所依勢將擠溝壑儘有樂天倫生來命獨薄

驅雞 言驅民之善宜先安其志也

雞迫則驚飛安方循路歸驅民非易事於此可知幾

採望 防壞士風也

典試不憑文而倡採望說游揚請託多奔競心彌熱

天雞 言試題當詳審也

天雞弄和風須分鳥與蟲赤頭殊赤羽翰翰豈相同

雛駒 勸育英才也

飼雞能翼雛畜馬能生駒欲樹公孤望須培直諒儒

鳳玉 美貞士也

鳳寧爭腐鼠玉不受纖塵美矣懷貞士兢兢在潔身

弓鐘 惜士懷才未試也

弓乏弦難射鐘無莛不鳴空山徒抱膝心豈負蒼生

鮪鱗 喻見小者不可用也

鮪鮪汎蹄涔螭鱗藏果核不知天地寬見小庸何益

驥鵬 傲恃美才而不勤也

人惟勤足恃才大不堪憑蟻走超維驥鵬飛邁伏鵬

絲 言量才器使也

作繒卽此絲作錦又何貴一物用有偏精粗材本異

鷹狗 言用人勿違其才也

飛鷹不善走走狗不能飛各有擅長技吁嗟用勿違

鈎鐮 言一才一藝皆有用也

干將而刈草不如鈎鐮好用果得其宜微才亦國寶

駘驥 諷妨賢路也

駘駘馳大路騏驎卧崇邱隱見真堪歎才何比德優

飛蛾 戒趨炎也

飛蛾寧樂死奈戀燭光何前者焦頭矣爭來又幾多

永山 戒附勢也

永山非泰山爭倚復爭攀日出同傾陷誰窺破此關

薙草 言除惡務盡也

薙草根當拔留根婦寺仁忠宜憐蔡確種禍及諸臣

算盤 戢妄念也

龍馬生成數神龜範九疇全盤天算定何事更持籌

猿馬 譏貪名利也

機穰何爲者心猿而意馬非縈利鎖中卽繫名韁下

醴尊 警貪婪也

猩猩見醴尊知誘何其智就繫又何愚貪甘弗忍棄

彈雀 警亡身殖貨也

彈雀以隋珠取輕而棄重愚人所不爲傑士寧無恐

稗 戒勿爲假廉吏所誤也

人匿貪婪心冒爲廉潔吏儼然稗出羣穠見乃知僞

錢 刺愛錢之心也

雙戈守一金害與利相尋貪利卽貪害當寒苟得心

麀獵 勸仕不可不學也

弄麀宰相李伏獵侍郎蕭璋臘因何誤千秋笑自招

醯雞 驗造化於至微之物也

醯雞香氣引野馬隙光來萬物生還滅三陽往復回

梅仁 見天心也

天心何處見梅子已生仁仁不遺微物寧偏厚聖人

心元 勸養性也

心本號天君元尤稱善長粹然乃泰然勿爲澆風盪

性 言非外鑠也

心從生曰性性理秉心生天畀一腔子包含萬物情

慎 戒勿自欺也

心從真曰慎慎獨矢心真幾動知難昧危微頓悚神

衾影 防自欺也

衾影誰衾影懷慙日與磨問心何太苦防檢自欺多

木偶 諷失本心也

人失本心久宛然一木偶如懷屋漏慙解運機關否

反舌 戒言不可妄也

巧憑柔舌力反學衆禽鳴聒耳嫌多妄呼春識未誠

射 戒言不可躁也

言猶射可危鳴鏑一聲隨旣發追無及興戎悔已遲

千葉花 刺修心也

千葉花爭發重重碎錦鋪從知難結實精力已無餘

休官好 勸仕者毋誑言也

心恬市亦靜欲大谷非幽見說休官好歸雲澹遠不

貝錦 言刑非空懷須篤恭敬也

貝錦譖橫縱舌鋒逾劍鋒成回年七十凜凜敬而恭

心生 言恭必循理乃不勞而安也

矜持不自適畢竟是心生動靜循天理天機活潑行

心耕 言敬必須涵養省察也

莊嚴歸渾厚簡易寓精明無迫亦無佚心田一敬耕

支苟 明不苟則敬也

支音撲擊也

又去心之苟靈臺一敬居惺惺翼翼理窟徹何如

誠敬 言主敬存誠有相須之功也

誠由居敬入無間自能誠誠至無非敬乾坤健順行

助長 言無益而有損也

將心去捉心非敬亦非誠助與忘相迫良苗半死生

有無心 言忘與助皆心病也

忘是無心病有心助一般從容心自在活潑有無間

寅直 言敬以直內不須作意爲也

寅月三陽泰寅時平旦清寅哉敬直內活水自源行

傾險人 謂不敢輕慢卽居敬之助也

石堪攻璞玉借助在他山傾險人相處磨心入敬關

大才 勸謹小慎微也

微斤能斷木小隙可沉舟大才肩重任謹小慎微不

贊蟲 言神一則中可執也

贊蟲大如輪非關巧絕人知其神定一凡事貴凝神

牙骨 戒剛愎也

一片堅貞骨稜稜半露痕從知剛自折所貴在溫存

操觚 刺父師以利祿壞子弟心術也

操觚媒爵祿以墨質冠裳文字雖云妙知能却蔽良

下帷 勸讀書當追聖賢心也

鄴侯插架書董子下帷學惟索聖賢心何分先後覺

鑄雕 徵有無受教地也

顏淵容易鑄宰我竟難雕同沐東山教高卑境曷遙

瑟 分靜躁心也

人方調瑟音瑟卽寫人心一彈北鄙遠一鼓暮春深

書粟 言義理能養心也

孟子書中粟浩然氣養足悅心理義精不減芻豢沃

書毒 言機巧爲心害也

國策書中毒縱橫機巧熟奇文易悅心貽害儒林酷

青苗 譏介甫詈諸公不讀書也

咄人不讀書周禮讀何如義利全無辨青苗聚羨餘

心病 言凡事須決於理而不可從欲也

事前心先忙事後心不定此病豈難除天人一戰勝

詩囚 譏傷性也

鈎章東野寒棘句浪仙瘦養性好吟詩詩囚偏自鏤

詩癖 譏傷才也

生嘔李賀心久病陶潛脚刪後已無詩徒將才力鑠

詩聖 美詩發性靈也

子美詩中聖銘成詩史鏡光昭悲憫心揮灑忠誠性

書聖 美書饒骨性也

逸少書中聖龍盤斜反正千秋蔽衛名骨性原剛勁

習驕誇 刺家風不知淡泊明志也

父兄耽富貴子弟習驕誇統袴膏粱外焉知道德華

增驕傲 刺家教不知寧靜致遠也

未嘗書內味勦說潤文章徒以增驕傲何如田舍郎

青錢 言文貴發明聖賢道也

制藝期明道辭當秉聖賢陳言如掃去萬選好青錢

千金 言字紙應珍惜也

一字千金重非同紙上花聖賢真性命天地大精華

烏衣 戒浮薄也

王謝鬪辭章烏衣翰墨香誰知浮且薄安得壽而康

馬糞 美醇厚也

喜道同人美無揚客子非諸王多長者馬糞勝烏衣

及禍 戒勿交敗德人也

才辯無關鑰皆爲敗德人遠猶憂及禍寧敢與相親

盜 謂閒思慮皆由勢利上起也

夫何爲盜想不擾衆儒心可識閒思慮根由勢利深

兩耳雙目 明天意期人多見多聞也

生人官有五造物意如何兩耳兼雙目聞多亦見多

一舌 明天意防人多言也

舌獨生其一防人舌戰爭深藏唇似郭固守齒如城

三緘 明慎言正以防禍也

一口曷三緘禍防從口出言多必敗凶辭寡自安吉

禍根 謂不在口而在心也

口固禍之門禍根寧在口惟心不靜專發輒無樞紐

怒言 戒不忍也

怒言多失體況激而深詆銜恨幾時消受污終莫洗

口實 戒不密也

交好盡情言失歡爲口實千秋害釀成自不先機密

國家言福在明良慈孝而不在富貴也

明良國治安慈孝家隆盛福莫美於斯浮華何足慶

草莽舉高繼成以勵在野臣也

高生百畝田租入先輸賦且曰草莽臣義當急茲務

肉香表陳迪父子之忠也

忠臣孝子肉氣味美而香不解明成祖偏教割使嘗

柁銜言爲人不可無志也

乏柁舟難濟無銜馬亂馳人生不立志悠悠亦如斯

稼門詩鈔卷十

七截

皖江汪志伊著

次孫太守鎬擊鼓催花原韻

羽觴斜照夕陽紅
桃杏春酣面面同
鼓蕩全憑君子德
何勞二
十四番風

由靈石縣調任榆次口號

奉來片檄量移官
彈指三年恥素餐
一擔琴書一卷帖
去時猶
似到時難

題范文正公書伯夷頌卷後

并序

曩於舊帖中見文正公書韓昌黎伯夷頌忠義之氣凜
凜筆墨間乾隆戊申秋來守姑蘇范君儀炯出家藏示
余獲覩真蹟自文富杜晏四良相跋尾後代有題者而
檜與似道亦蝨其間論者欲削之毋爲此卷汚也余謂
不然卽此可見人心之不死何妨並存之以昭炯鑑爲

題一絕

孤竹風維百世臣韓文范楷爲傳真如秦賈猶知寶可識難
逃是大倫

哭女五章

并序

女乳名嫩妹乾隆三十八年九月二十三日巳時生余
第三女依同祖行十四也性慧而孝嫻家訓勤女工九
歲失母依依膝下如成人極兄嫂愛幼弟尤篤字同里
博士弟子何君肇基之次子折行年十八未及于歸庚
戌冬至月予嬰疾疾氣湧胸膈間背脹尤劇女爲敲背
較他手爲得法昕夕數次每次逾時不止余慮其手軟
隨時問之俱答曰否如是者半月餘及退其庶母及嫂
輩視其手則腫已甚矣始言腰腿亦頗覺酸痛顧堅請
勿替旣又私語嫂輩曰父病恐不起可若何古不有身

代法華兄若弟固不可動而嫂亦多稚子惟我可以身
代淚泫泫下乘間向空默禱旋卽患病竟與余同調治
稍效不以介意余病漸覺霍然至臘之廿五日午後女
忽痰氣填胸醫家以爲寒凝所致投以麻黃大劑汗
不止氣湧痰響次日戌刻促親者爲易服飾粧肅坐而
逝余趨視復甦聲喚聲應意頗泰然目送余出少頃乃
溘然長逝矣嗚呼傷哉女手足腫痛及禱以身代余初
不知也事後家中人共言之始得其詳嗚呼傷哉其孝
可格天胡天不弔而竟促其齡悲夫

憐爾生來貌本臞誰知一病竟捐軀傷哉割愛元難忍況是平生掌上珠

猶憶初離襁褓時從爺學語學歌詩靈根不昧天生性嬉笑承歡總孝思

髮始垂肩學女紅短衫窄襖自我裁縫偶然得一新花樣繡上綾羅又厭濃

不愛綾綢不着羅但須布素自溫和不茶淡飯無嫌口較勝膏粱子弟多

身代如今願已酬游魂尙念病軀不泉臺母子如相會莫說來

由重母愁

喜添女命名再生

接到兒曹手寄書知天還我掌中珠悲歡交集情無限轉恐魂
真貌不如

貌卽不如魂再生生生不已繼諸兄三子名晉生四子名霍生五子名蘇生兄原
是弟翻居長此後都來喚爾名

九日作

紅葉照人添老態黃花對酒動吟情登高漫說詩如畫
山畫不成

送費西壚主政還京

樞密光分維北斗
皇華使發向南星
欲知風骨誰堪倣
高弁晴峯到眼青

共抱冰心湛玉壺
西湖剛別又東湖
送君弗折章門柳
爲柳輕柔似懦夫

錢竹汀先生見示舉鄉飲賓詩依韻奉和

禮崇鄉飲尊三達
望重先生壓四筵
王道我知誠易易
新詩爭

和鹿鳴篇

一時和先生詩者幾及百首

憶昔肩差長者行
光風霽月照英英
幾回欲訂忘年友
敢效金

蘭作弟兄

先生屢致書願約爲兄弟予
以先生前輩德尊力辭不獲

老挾經心力最專工吟餘事本天仙遠資哲匠攻詩病猶似蘇

州作吏年

余公餘爲詩輒呈先
生閣定已彙成帙

藥石非惟政有裨纖來心錦爲添絲高山流水知音在留我過
年一子期

滕王閣

水天一色句誠工却覽江湖處處同自古文章關福命須知切
實勝虛空

對客

起予雅愛攻詩病見客惟嫌譽政優安得多聞兼直諫過從時
肯爲淹留

次玉達齊制府咏木芙蓉原韻

愁公無地起樓臺卻愛芙蓉岸上栽直與黃花爭晚節傲霜籬
外拒霜開

壬戌除夕

祭先如在一誠通三十年前此夕同
予自乾隆壬辰科下第後
歸家度歲距今三十年
彈指之間周六甲又如一夢到家中

將赴京拜辭先塋

累世清芬綿

祖德千年美報萃吾身顯親卽在心精白不敢欺

君不虐民

九原滿望子孫賢轉恐官高志易遷方寸由來存此意此行安敢不如前

癸亥仲春力疾赴京

去年歸里桃花放今歲趨

朝柳絮飛自顧風塵增僕僕不如野老靜忘機

只爲

君恩久愈深

安省王中丞汝璧福方伯慶恩廉訪長先
後奉命至志伊卧室催迫凡四次

江湖莫

易廟廊心支撐老病身圖報清慎加勤肯玷箴

遊白鹿洞

案明侍御桑喬廬山紀事以四山迴合似洞而名廬山
如仙居蓮花洞皆無洞鹿洞亦然唐李渤讀書其中養
一白鹿甚馴行則常自隨人因稱爲白鹿先生而謂其
所居曰白鹿洞寶歷中渤爲江州刺史創臺榭以張其
事而洞名遂著宋初因置爲書院太平興國中置南康
軍後又建學而洞事浸墜淳熙己亥朱晦翁來守南康

訪求遺址奏復其舊條列教規以示學者每休沐輒一至誨誘不倦復請賜書額及九經等書執政格不行後遷提舉浙東召對延和殿具言白鹿書院事甚切直孝宗始允可之去郡後每遺書諸賢惓惓以洞學爲念其興復倡明之功不可具述予陳臬豫章及撫閩時往來廬山背者屢矣歲癸亥仲夏奉

命讞獄章門過九江繞道遊鹿洞聊申嚮往之意云爾一山突起四山環白鹿先生住此間他日立朝風采峻誰知養性早優嫺

典崇養士求書額學重修身揭教規希聖希賢朱子志人非自
畫悉能爲

洞口翹瞻五老峯儼然聚講作儒宗就中欲領高山意生意年
年到古松

樂山惟靜始稱仁遊覽終爲玩物人果是能觀真面目烟霞以
外有情親

過嚴子陵釣臺

率土之濱盡是臣足加帝腹豈人倫當時太史稱星犯猶似春
秋直筆陳

至尊能共匹夫眠故舊無遺倍覺賢我想高風徒釣耳不如君
德大如天

釣臺千古仰風清能使貪頑變潔貞欲借先生厲塵俗可知光
武重先生

甲子至公堂驗看老生

顰眉皓首儼羣仙志欲凌雲氣浩然更有耆儒游泮日計來是
我末生年

予生於乾隆八年武進縣老生莊日宣先於五
年入學又南陵縣老生程潔先於七年入學

贈周雲巖畫師

爲我抽毫寫素梅清高不肯着塵埃

雲巖畫師乞余
書一幅爲潤筆

山陰道士

真名士曾把羣鵝換字來

紫薇花

楚人謂之怕癢花

花名怕癢笑秋風誰插花枝客舍中怕癢折時還怕痛須知痛
癢與人同

續卷十

謹拈家雨園學使三百三十有三士亭詩中首尾三韻縮

爲七截一首

愛石拳拳如愛士使星光耀五君子

謂朱竹君石君錢雲一亭巖邵楚帆汪雨園也

高卓一池清誰坐春風梅竹裏

展讀富松巖將軍書欣悉有繼子五歲名瑞光以娛晚年

而作

娛親始作鳩車戲

類書小兒五歲曰鳩車之戲

願讀孝經尤大器

南史王僧孺五歲便

機警初讀孝經問授者答曰此論忠孝則曰願常讀之

我接松巖萬里書遙知嶽降人中

瑞

恭繼黯宗如接木

後漢伏黯位至光祿無子以兄湛之子恭爲嗣

喬爲亮後復歸房

後漢

諸葛亮以瑾之子喬爲嗣亮後有子喬復爲瑾後

教惟式穀能相似不但家榮亦國光

極忙人作極閒人

鐵梅菴先生

保

昔制兩江予撫蘇亦在節制之中乃反

以馬齒推予爲長情同手足其爲人概可見矣旌謫新

疆復由吏部尙書戍吉林丙子季夏廿八日由富松巖

將軍寓書到閩內云弟運蹇屢獲愆尤安之可也客中

無善可述惟以極忙人作一極閒人亦生平不能多得

之事可爲知己告耳予因之有感矣仿轡轡體揮汗作
此寄慰遠懷數千里外不啻手足同舞蹈於一堂也

極忙人作極閒人近取梅花運一身花落又開開又落此中正
好養花神

養得花神日日新極忙人作極閒人安之若素行之素一日陽
回占早春

憶昔梅堇言似藥忙中防錯閒中畧極忙人作極閒人何日忘
情聯棣萼

調梅原是要酸辛新進何如舊老臣大德又將肩大任極閒人

作極忙人

書懇家璉菴宗伯教子正盦正榮學末系之詩

吾愛濂溪宋學宗
孔顏樂處孰追從
伯淳正叔緣何幸
霽月光風不易逢